

平定兩金川方畧

二

四

十
一
二
三
四
五
六
七
八
九
十

十
一
二
三
四
五
六
七
八
九
十

平定兩金川方畧卷之六十二

六月戊戌。

上諭軍機大臣曰。春寧特成額著帶荷包奶餅往溫福阿桂軍營分賞。並查看打仗情形。卽回具奏。

己亥。豐昇額舒常奏言。

臣

豐昇額察看達爾圖

一帶山梁。雖係礮卡排列。互相應援。其最要緊者。惟與官兵相距之大礮木柵。得此要隘。其餘

自必立見潰敗。是以於本月二十四日夜。分派

官兵。豎立木植。刨挖溝濠。埋伏好鎗箭手。爲進

攻時助力之用。至黎明。有賊番二三百名。從斜

坡密林內。突出滋擾。被官兵擊斃二三十名。其

餘受傷逃竄。臣舒常在日旁。亦於是日夜。選派

奮勇官兵三路前進。撲至溝沿。賊番竭力堵禦。

至黎明時。見賊番從礮後衝出。官兵鎗箭齊施。

亦擊斃多人。餘俱竄回死守。奏入。

上諭軍機大臣曰。豐昇額舒常所奏分剿達爾圖及日旁賊碉。雖俱剿殺賊番。惜爲數尚少。不足解恨。達爾圖日旁兩處。旣係賊番要隘。亦只能攻打以牽賊勢。若欲另爲覓間襲攻。非但難得機會。且恐兵力愈分。於事轉屬無益。各路賊番現雖守拒甚堅。究係葭爾之區。力量有限。今官兵屢有增添。賊

番自皆喪膽。卽或畧需時日。亦斷無不能掃蕩之理。溫福等各宜勉力爲之。

辛丑。阿桂明亮奏言。查附近四川各省。如貴州兵。前次挑備三千。今除赴綽斯甲布軍營二千外。尚有一千。可供派撥。其雲南額兵。本有四萬二千。上年止調過三千。如再約調二千。於各邊關換班分駐之處。仍屬充裕。至湖北湖南。實在

有兵三萬六千。上年止調過五千。若再於湖南
省調撥五千。亦尚易辦。通計需調兵丁五千。如

蒙

恩准。

勅下各省督撫挑派。迅赴當噶爾拉軍營。合以現有
兵力。則乘間搗虛。賊必不能支禦。奏入。

上諭軍機大臣曰。阿桂奏請再調貴州。雲南。湖廣兵

五千爲乘間搗虛之計。旣爲此奏，朕不肯令作無米之炊。所有黔兵一千，昨已有旨續調，令赴溫福軍營。其雲南、湖廣各兵二千，現亦飛諭各該督撫，迅爲派撥預備，聽候軍營檄調。然亦未便專供阿桂之用。自當酌量兩處軍營情形撥往。於事方有實濟。劉秉恬所駐之簇拉角克，與溫福、阿桂軍營相距俱不甚遠，著卽先赴溫福軍營面商需兵若

千再赴阿桂軍營。面商需用若干。一面具奏。一面
飛咨雲南。湖廣督撫。速令起程。赴該處軍營。毋得
刻緩。

甲辰。劉秉怡富勒渾奏言。竊查三雜谷屯兵蒙
恩飭議。給與月餉。以次酌增。逾格。

隆恩有加無已。臣等公同核議。該屯弁等。自乾隆十

七年。改土歸流之後。其土守備七員。土千總十

員。土把總二十員。所領之銀。足資養贍。無庸更
議。增加。惟土外委四十名。每名每年。給銀六兩。
該外委有約束屯兵之責。今各兵按月領餉。五
錢。與外委似無區別。應請將土外委每名每年。
各量加銀二兩。則該弁等仰沐

皇仁。益當奮力行間。用收攻勦之利。奏入。

勅部議奏。旋經戶部議覆。請如所奏辦理。

上從之。

同日溫福奏言。六月初二日未刻。督臣劉秉恬。差千總張全。稟據布朗郭宗糧員報稱。初一日三更時分。有賊番滋擾底木達。一夜鎗聲不絕。董提督不知作何光景。總督處兵少。求將軍酌量借兵應援等語。旋於初三日子刻。接到劉秉恬來札。據糧員稟報。所有底木達山頭官兵。

帳房俱已不見。又據木波寨番民報稱。今早見有賊番三人。叫稱底木達。布朗。郭宗。俱已搶得。

你們各寨。作速投歸之語。看來事在緊急。現將

登春所有之兵。全數點集。帶往接應。請撥兵前

赴登春。木波喇嘛寺等處防守等語。臣思布朗

郭宗。底木達。係小金川舊巢。斷不可任其佔據。

非勇幹大臣前往辦理。恐不能迅速廓清。因與

海蘭察籌酌令伊帶同副將成德等連夜馳赴
登春與劉秉恬會商速辦。至_臣處後路松林口。
以至簇拉角克西口並功噶爾拉一帶山梁處
處緊要。地險路長。須有多兵控扼。現在所有之
兵實難再行抽調。今底木達各處如果已爲賊
佔。必須卽日奪回。方可以挫賊志而靖番情。_臣
已札知劉秉恬。令其飛飭總兵五福於駐札丹

壩兵內酌量抽帶。由底木達後路。兩下合擊。再

黔兵二千名。臣連日接地方官稟報。陸續西出

桃關。想此時已過巴朗拉并札知劉秉恬。如賊

勢非一兩日即可辦竣。兵力尚單。即應調來備

用。更爲近便。至董天弼此刻尚無確信。臣前聞

董天弼赴美諾未回。臣思美諾地居腹裏。非比

底木達。布朗郭宗一帶。與金川在在接壤。關係

至重。豈容置之不顧。嚴行札飭。始據該提督稟報。於五月二十四日起身。回至布朗郭宗。今僅隔數日。而果有賊番搶擾之事。總緣董天弼於緊要地方。竟不在彼駐守。以致弁兵等漫無防備。賊匪得肆鴟張。實堪痛恨。

同日阿桂明亮奏言。准劉秉恬初二日來札。稱有賊番襲攻底木達。山上官兵帳房俱已不見。

務祈撥兵前來。彈壓接應。臣等詳閱來札。賊番

侵擾底木達。係在初一日夜。而初二日早。布朗

郭宗糧員。尚在該處遣人稟報。則布朗郭宗之

無事可知。卽木波寨番民所述。未必非賊番大

言恐嚇。但劉秉恬來札。旣稱如此。臣等當卽抽

撥在營兵丁五百名。派令前鋒叅領巴克坦布

等帶領飛赴美諾。以爲聲援。並探聽信息。相機

接應。又據署松茂道查禮稟稱奉總督札令將
黔兵二千調來接濟。底木達既有小驚。自應聽
劉秉恬調此黔兵。臨時察看情形。酌量撥用。均
奏入。

上諭軍機大臣曰。溫福阿桂等奏據糧員稟報賊番
滋擾。並接劉秉恬札稱。現將登春所有之兵前往
接應等語。賊番既有搶佔之事。不可不卽奪回。今

劉秉恬業已親往該處。溫福、阿桂又均撥兵。派令大員帶往協剿。其事諒無難辦。海蘭察一到自能上緊攻奪。倘海蘭察攻打畧羈時日。溫福不妨留兵昔嶺等處。牽綴賊勢。暫緩該處進攻。卽親身馳赴底木達。奪回碉寨。剿淨賊番。溫福等當就現在情形。妥酌辦理。再原調之黔兵二千。現經劉秉恬調取。自應卽令馳往。此兵一到。交與海蘭察帶領。

攻勦事竣之後。卽歸溫福一路應用。又昨續調之
黔兵一千。亦令赴溫福軍營。是溫福一路計已添
兵三千。足壯聲勢。其阿桂奏調之雲南兵二千。徑
赴豐昇額軍營。湖廣兵二千。徑赴阿桂軍營。兩路
俱添有新兵。自更易於集事。所有沿途應付事宜。
著富勒渾卽速妥協經理。以利遄行。至董天弼屢
經獲罪。經朕棄取錄用。今伊擅離專駐巡防之地。

回至美諾冀耽安逸。其情實爲可惡。董天弼卽著革職拏問。派委妥員解京治罪。

上又諭內閣曰。董天弼現在革職拏問。四川提督員缺。著馬全調補。其甘肅提督員缺。著法靈阿補授。所有肅州總兵員缺。交與溫福等選擇軍營出力之員。奏請陞補。

乙巳。阿桂明亮奏言。初四日據查禮稟稱。喇嘛

寺糧臺於初二日夜被圍。初三日清晨被陷。站員通判汪時被害。至底木達布朗郭宗。傳聞俱被賊番搶佔。據跟隨董天弼之兵包應鳳逃出。供稱董天弼于初一日夜見事危急。令伊子同屯練二名。背負印信。前來請救。董提督隨往官寨。存亡不知確耗。再總督劉秉恬於木波地方路遇賊番對敵。因鉛丸火藥用完。不能取勝。職

道現於崇德牛廠功喀爾拉一帶。繞路運往接濟等語。查昨日巳刻。臣等已派章京將備等帶兵前往。尚恐勦洗賊番。續安臺站。該章京將備等。未能悉合機宜。查五代岱帶兵熟練。現復令其帶領土兵星赴美諾明郭宗等處。相機夾擊。並迅速開通溫福劉秉恬兩處軍臺文報。臣等熟察賊情。苟非底木達布朗郭宗一帶小金川降

番有潛行勾引者。金川賊人斷不至如此猖獗。

臣等一路降番已將精壯之人挑在隨營打仗。

其餘各本寨內老弱居多。現在亦俱安靜。但番

夷之性。究未可信。臣等現復添派兵丁於緊要

隘口嚴行把守。並派妥人至各寨曉諭安撫。藉

以察其動靜。實可無虞。意外奏入。

上諭軍機大臣曰。底木達布朗郭宗兩處。若果爲賊

番侵佔海蘭察一到。自必奪回。並卽通道安臺。其事爲現在第一要務。若尚未辦妥。阿桂卽親自領兵馳往底木達。將此路迅速籌備萬全。再辦進攻。至底木達失事。皆董天弼辦理不善所致。但劉秉恬在彼。不早查叅。亦未免失之大意。溫福等向後益當加意經理。于軍務方爲有益。其喇嘛寺糧員。被賊傷害。俟此事辦完後。再行咨部查明議卹。

上又諭內閣曰。此次賊番侵擾。原屬猝不及防。其疎忽尚不足爲劉秉恬責。惟董天弼本屬罷軟無能之人。前經切諭劉秉恬。令其留心查察。乃董天弼擅離防守之地。退居美諾。劉秉恬豈無聞見。因何不。早。參。奏。該。督。之。咎。實。在。於。此。劉。秉。恬。著。交。部。嚴。加。議。處。

上又諭軍機大臣曰。阿桂處派五岱領兵前往五岱

如奮勉出力。著海蘭察奏聞。將伊授頭等侍衛。以示獎勵。

同日。劉秉恬奏言。臣於本月初三日辰刻。據布

朗郭宗兵丁報稱。昨夜三更。底木達鎗礮聲徹

夜不斷。天明瞭望。山上營壘俱無。董提督不知

下落。布朗郭宗亦已被圍等語。臣聞信之下不

勝驚駭。隨派兵往護簇拉角克東口之木波橋。

一面飛札將軍溫福向桂速卽發兵接濟。臣亦

卽親往察看情形。甫行數里卽遇隨董天弼之

千總龍廷表來稱初一日亥刻後山忽有賊番

擲石攀開官兵營盤木柵一擁而進。董提督卽

出營往守底木達礮。先令千總前來報信。千總

翻山哨望已見底木達寨內四圍火起。臣詢以

底木達勢居險要。賊番何以竟敢冒險而來。龍

廷表稱董天弼若在礪寨駐防。賊番難以窺其
虛實。因另立營盤。兵力又少。遂至失守等語。臣

正在詢問間。見離臣營十餘里。已有賊番屯集。

山梁。誠恐賊番前至。登春肆擾。當卽回至營盤。
將存剩兵丁。並調集糧臺人夫。分執鎗矛。借壯
兵勢。申酉時候。約有賊番十數名。徑來窺伺。當
委遊擊李棟綿領兵迎擊。賊勢稍退。初二日早

聞。叅贊海蘭察等前來救援。維時賊番已據木

波橋。所有附近登春站。碉寨十餘。賊番俱已佔

據。午間並有賊番數十人。直撲營盤。經叅贊海

蘭察。派委總兵靜海。帶兵擊退。初四日。又據白

布朗。郭宗脫。出兵丁報稱。布朗。郭宗已爲賊番

佔據。又據查禮。差送火藥等項。內開喇嘛寺臺

站已失。糧員遇害各等語。查喇嘛寺臺站被陷。

糧道業已不通。而底木達。布朗。郭宗兩處。同時
失守。雖將軍溫福等分撥官兵。亦難卽行克復。
現在黔兵二千名已到。臣飛咨富勒渾。速將此
項官兵全數調來資用。奏入報

聞。

丙午。阿桂。明亮奏言。初五日。據查禮稟稱。初四
日辰刻。溫福軍派有都司守備。帶兵來抵崇德。

大牛廠防守糧臺等語。臣等三四日以來。於賊

番侵擾情形。僅接該道稟帖。而溫福處並無來

文。明係賊番佔斷軍臺。以致不得木果木軍營

消息。實深懸切。酉刻接劉秉恬初三日來札。稱

底木達賊衆甚多。業已失守。初二日傍晚。賊番

已抵登春。初三日早。溫將軍先撥兵一千名。令

海叅贊等帶領前來。然賊番等已據木波。併搶

佔喇嘛寺糧道不通。若再將美諾明郭宗佔據。則西南兩路盡行阻梗。關係甚大等語。查劉秉恬處既有海蘭察等帶兵一千名。則登春一帶自可無虞。但又據查禮報稱。賊番已圍困破碉及帛噶爾角克碉。臣等思賊番如此猖獗。今海蘭察等既帶兵來援。若再撥精銳兵丁交與五岱奮力前進。以成夾攻之勢。庶可將賊番痛加

殲戮。又同時接到海蘭察咨稱初三日聞賊已

往帛噶爾角克碉。恐其佔據美諾及明郭宗之

路。若從南路派兵佔據明郭宗。美諾由喇嘛寺

一路進攻。本叅贊即可開通道路等語。臣等隨

派出和隆武等帶漢土官兵五百名。星夜前往

破碉等處。接續五岱之兵。總期併力勦殺。早開

糧道。臺站至美諾。明郭宗一帶。雖可無虞。但該

處所有員弁均非幹練之人。革任總兵英泰。人尚老成。當添派兵一百名。令其前赴美諾。暫行彈壓防範。查底木達布朗郭宗距臣當噶爾拉軍營。路程遙遠。而距木果木軍營本近。此時溫福處援兵漸集。克復當亦不難。

同日阿桂明亮奏言。賊番悍惡狡詐。顯肆鳴張。實堪切齒。不但賊酋賊目等。當予寸磔。卽將其

男丁盡行屠洗。亦罪所當然。此時賊衆雖侵擾
底木達。布朗郭宗各處。而現在隨軍營之革布
什咱。巴旺。布拉克底。明正各土兵。未嘗稍有驚
疑觀望。是金川之不可不滅。斷無不滅。實可以
必操其券。至賊境本屬彈丸。何以所用火藥鉛
丸。尚能接濟。臣等久已詳加體察。查默資溝係
革布什咱地方。產磺稍多。前年爲金川所據。賊

人卽於此創挖礮筋。去年三月間克復革布什
咱之後。默資溝已撥有官兵駐守。惟聞正地亦
出礮筋。然不能如默資溝之多。目下大兵四面
合攻賊番。所用火藥自當日形缺乏。至臣前奉

諭旨。以軍營大礮轟擊賊碉。漸就破損。何不并力轟
打礮根。查當噶爾拉前敵各營盤內。築有高大
礮臺。對準施放。原皆直達礮根。但所有打塌礮

上石塊。墜至礪根。日積日厚。賊番奸狡異常。非但不爲除去。轉從而加增。卽爲擁護礪根之用。大礪至此。不能得力。賊番又于其內。堅立木植。遮護。死力拒守。但事機一至。賊番卽有堅礪。亦無從守禦。臣等此時惟有督勵官兵。或繞路夾攻。或相機勦撲。以期迅速集事。

同日博清額富勒渾奏言。臣富勒渾於六月初

五日趕至碩塘站。會同臣博清額督率員弁將

碩塘二道木橋搭起。頭起黔兵五百名。星夜前

進。途次接據明郭宗站員蔡宗達稟稱。初三日

未刻。接准帛噶爾角克糧員鍾邦任稟稱。喇嘛

寺現被賊番佔據等語。臣等查喇嘛寺爲溫福

後路糧臺。且離明郭宗及美諾甚近。爲兩路軍

營一切輓運總滙之地。最關緊要。臣等率同候

補叅將特靈額及貴州副將官福等帶領頭起官兵兼程前進。俟至明郭宗相機籌畫策應均奏入。

上諭軍機大臣曰。阿桂等奏接到劉秉恬信。知海蘭察已至簇拉角克地方。勦擊賊匪。並派和隆武等前往接應。所辦俱合機宜。溫福阿桂兩處派往之兵。已有二千。海蘭察復行知溫福添兵一千。而博

清額富勒渾所帶之黔兵二千陸續踵至軍聲益壯。賊自披靡。此次所調黔兵原爲添助進剿之用。不期如此大得其力。亦與從前阿里衮等送馬之兵適到。卽解兆惠黑水之圍相彷彿。此卽破賊之先兆也。至金川賊衆現於各路防拒官兵焉得復有。多人至此一路滋擾。據所報登春至木波橋一帶。賊已不少。其喇嘛寺等處糧臺。又有賊番圍佔。尚

有佔據底木達希朗郭宗兩處之賊。總計之不下
千餘。或糧員等一聞賊至。驚惶無措。過涉張皇。草
木皆兵。勢所不免。亦不足深責。但賊斷不能糾衆
遠來。自係小金川降番。勾引賊至。卽從而助惡。故
覺其多。此等降番。敢於反覆。若此事平之後。若不
悉行誅戮。何以使諸番畏威知懼。但斬戮太多。恐
致衆番驚擾。務須設法密辦。除惡安良。方爲妥善。

總之金川賊衆狡惡異常。不可不加慎重。昨豐昇額等一路已諭其俟續調滇兵到營。方可深入。卽溫福阿桂兩處。或攻得一二險隘。有可進取之機。亦須照顧後路無虞。方不致墮賊番前讓後邀之計。其丹壩一路之兵。令五福帶領。預爲堵截。原以防賊酋從彼軼出。但獨當一面。恐尚不足恃。豐昇額等現在達爾圖。日旁攻勦。設賊衆守拒甚嚴。急

切不能攻進。或留舒常帶兵在彼。牽綴賊勢。豐昇
額卽分兵前往。率同五福防堵丹壩一路。較爲得
力。是否如此可行。不妨商之阿桂。溫福不必因朕
有此旨。強爲遷就也。又阿桂另摺奏賊番火藥尚
未匱乏之故。實不可解。向據奏各路官軍進剿。均
拋擲火彈。聞係皮包。實以火藥。引以藥線。計一火
彈所需之藥。不下數觔。而所裝必仍係鎗藥。官軍

拋擲時。不能保藥線之必皆燃發。以火彈之藥。供

賊番鎗礮之用。殊爲失算。因思鎗礮之藥性係直

轟爆竹之藥性係橫炸。若裝火彈時。卽按爆竹藥

料配用。自更有力。卽或賊番得之用。以放鎗。必致

炸裂。是在我卽有棄材。而在賊轉受實累。縱火彈

拋擲不著。亦無藉寇兵之患。其情形是否如此。並

著將軍等查明妥酌爲之。

同日海蘭察奏言。臣於六月初二日亥刻率兵

抵劉秉恬所住營盤。初三日午刻賊來犯營。是

夜又兩次侵擾。俱被。臣等擊敗。初四日丑刻自

臣劉秉恬營盤起至河口十五座礮寨。俱爲賊

佔。臣等派兵四路分頭督戰。賊番敗走。臣等將

各寨落盡行焚毀。據定要地。並通知將軍溫福

處發兵一千。令副都統烏什哈達。由帛噶爾角

克礪開通道路。初五日。臣又將兵八百名。令在

登春要隘。週圍駐劄。此外僅餘兵五百名。臣若

帶領攻殺。於事無益。且營內糧銀。均關緊要。自

應嚴爲防守。是以臣候溫福處兵到。竭力夾攻。

斷截賊番歸路。奏入。

上嘉之。

同日。海蘭察。劉秉恬。奏言。現在賊番復將美臥

溝一帶卡倫俱已搶佔。而美臥溝與簇拉角克
僅隔一山。急須防守要隘。以保無虞。臣等查李
煦常保住。現於登春站帶枷拘禁。伊等雖屬無
能。但打仗向曾經歷。因暫開枷。飭令帶兵防駐。
以資堵禦。奏入。

上從之。

同日。富勒渾奏言。臣連接阿桂。劉秉恬來札。賊

番襲攻底木達。亟需黔兵接應。令調赴明郭宗。

交劉秉恬酌量撥用。臣思逆酋膽敢侵擾底木

達。分我官兵進攻之勢。實為可恨。臣已星飭各

起黔兵。兼程仍赴西路。以資剿擊。臣即督率頭

起前進。相機籌畫策應。奏入。

上嘉之。

平定兩金川方畧卷之六十三

六月。戊申。博清額富勒渾奏言。初七日亥刻。臣

等抵明郭宗。適將軍阿桂已派五岱和隆武先
後帶兵八百餘名。來守橋座。查此一帶糧站。因

被賊番阻截。督臣劉秉恬奏摺。直至初八日始
行遞至。又詢據將軍溫福賚摺之員。稱哲爾覺
一帶奏摺。均係撥兵護送。同日又據報阿思通

營卡亦被搶劫。科多被賊佔踞。新橋亦有賊番
攻打各等語。現在二起黔兵陸續已到。明郭宗
臣博清額卽帶領三百名先赴美諾相機策應。
哲爾覺一路至明郭宗係各處要隘。臣富勒渾
督率遊擊穆克登阿等竭力堵禦。並飛催後起
黔兵星夜趲程以資接應。奏入。

上嘉之。

五兩金川文武等卷之六十二

博清額富勒渾又奏言。臣等正在繕摺具奏間。

據英泰報新橋已失。又據崇德站員報亦有賊

番滋擾。勢在危急。臣富勒渾在明郭宗竭力防

範。並將一切情形密寄兩路將軍及督臣劉秉

恬。上緊備禦。奏入。

上諭軍機大臣曰。博清額富勒渾奏賊番竟敢如此肆擾。實爲可恨。雖有海蘭察等在彼。尙恐未能迅

平定回疆方略卷之三十三 二
速辦妥。前已有旨。令溫福阿桂。留兵在當噶爾拉。昔嶺各處。牽綴賊勢。溫福阿桂。卽速馳赴底木達一帶。上緊克復。若不將此一帶剿辦全完。亦斷不宜輕進。而於美臥溝斷賊歸路。尤爲第一要務。海蘭察等。必須選派勇幹將領。揀擇精兵五六百名。實力堵禦。至溫福阿桂。旣移兵回擊底木達一帶之賊。其昔嶺當噶爾拉等處賊衆。斷無不知。或因

攻擊稍疎。賊卽將此兩路守拒之衆。撤回底木達等處。添助勢力。或卽於向來進攻之處。乘間出而滋擾。更有關係。至新添黔兵。源源而進。已與五岱會合。卽當通知海蘭察。將自明郭宗至登春之賊。先行勦除。使簇拉角克一帶。畧無阻滯。將此一併傳諭知之。

已酉。豐昇額舒常奏言。臣豐昇額鑄成五千餘

斤大礮。揀擇地勢。築立礮臺。初五日午刻。見賊

第四礮內連放數鎗。臣思賊番最惜火藥。無端

施放。必有鬼蜮伎倆。隨詢之士兵等。僉稱金川

賊番。無故放鎗。不是聚人。卽係傳知密林內埋

伏夾壩暗號等語。臣豐昇額當選派土弁土兵。

搜捕密林。果有賊二百餘人。官兵齊撲進前。殺

死數名。正在擊斃間。望見各賊礮內放烟。恐其

別有詭計復令兵丁上樹瞭望。見坡下有穿白

衣賊數十人。遂卽放鎗滾石。奮勇直追。殺死十

數名。餘多帶傷滾竄。至臣舒常於六月初二日

晚。趁天氣始霽。卽派兵魚貫前往。直抵礮下濠

邊。力掀柵木。賊番猝不及防。俱上柵木。露身堵

禦。當被我兵鎗箭擊斃十餘人。餘仍竄匿。旋見

各寨賊番分頭奔救。臣令將大小礮位對準來

路接連轟打。亦多擊斃。伏思賊番惟恃地窖溝濠。苟延殘喘。今已於柵內高築六七丈礮臺。移設大礮。向下轟摧。諒賊必難藏匿。再土兵一項。在營頗爲得力。遇有應給之賞。尤當一時頒發。則受者倍覺啣恩。而見者亦知感奮。今其陣亡者。例照漢兵減半卹賞。臣等請嗣後預給銀三兩。以爲掩埋之費。於部議卹賞銀兩扣除。奏入。

上從之。

同日。博清額奏言。六月初十日未時。接到查禮
寄札。知兩路將軍站道俱被賊斷。理應速通。然
貴州兵方到七百五十餘名。若分路前進。兵力
甚單。於事恐無裨益。現今將軍阿桂。兵糧充裕。
且其後路。尚可從打箭爐通行。惟將軍溫福喇
嘛寺一路。現遣烏什哈達等接應。自宜速將劉

秉恬救出。以通驛站。臣現卽美諾所有兵一千

餘名內。派出六百。於十一日早晨。飛令五岱帶

至簇拉角克。接應烏什哈達。伊等前後夾攻。必

能將賊番勦洗。與劉秉恬會合。再俟貴州二起

兵到時。派令和隆武帶兵四五百名前往接應。

約計至十五日。可到簇拉角克地方。但聞劉秉

恬處糧米無多。火藥鉛丸。亦須接濟。臣卽派撥

入大酌量運往。並囑五代等護送前行。以免疎
失。今總督富勒渾。在明郭宗辦理督催一切事
件。而美諾亦係要地。臣且暫時住此。相機辦理。
奏入。

上嘉之。

同日鄂寶奏言。據卓克采站員稟稱。六月初一
日子刻。賊番從大板昭正南山口下來。殺傷外

委五員搶去卡倫五處。初二日早晨。又將大板
昭西面卡倫佔去。是日未時。竟將大板昭營盤
搶佔。官兵多被殺傷。臣於拜摺後。卽馳回覺木
交。督率防查。以期周密。奏入。

上諭軍機大臣曰。賊番搶奪大板昭卡座營盤。止與
底木達等處失事時日相同。是賊番竟敢設心截
我後路。搶劫糧臺。尤堪切齒。大板昭一帶。距丹壩

較近。今賊既至小金川。則丹壩一路尙非要地。著
傳諭五福卽速帶兵馳赴大板昭。並諭卓克采土
司。派撥兵練堵禦賊番歸路。勿使仍由此路竄回。
並著溫福等選派勇幹將領帶兵馳往大板昭堵
截賊番去路。勿使外軼。總計賊衆安得如許之多。
必係將三路要隘守拒之賊潛行撤回。應用現據
豐昇額等奏初五日午間賊番無故連放數鎗。疑

其或有埋伏夾壩暗號等語。是必抽減各路賊衆。同往底木達一路。或竟將空寨棄讓。否則看守亦必疎懈。豐昇額等原不妨乘便奪據。爲得寸則寸之計。但不宜輕於深入。俟雲南新調之二千兵。全到軍營。再籌進取。

上諭內閣曰。豐昇額等奏護軍校扎特海前因打仗獲傷。遣往成都調養。至保崖地方亡故。著該部照

陣亡例議卹。

庚戌。富勒渾奏言。賊番現抵明郭宗河口。我兵不能過橋。喇嘛寺一帶。難以進攻。惟崇德功葛爾拉一路。乘賊番未集。帶兵進攻。較爲便利。且烏什哈達現赴哲爾覺防守。兩面夾擊。可望早通運道。當卽飛咨博清額。五岱。分起帶兵。兼程前進。臣現在一面督兵堵禦明郭宗河口。一面

於西北山梁分設卡隘。並於堯烏及巴朗拉飛
調瓦寺鄂克什土兵協令防守。以杜賊番復截
後路。臣思明郭宗一處萬分緊要。擬將末起黔
兵留駐。以資守禦。

同日。豐昇額舒常奏言。六月初九日。接據劉秉
恬扎寄。賊番已將木波喇嘛寺等糧站佔去。現
調五福。前往大板昭應援。臣即飛咨五福。令其

帶兵徑進。至丹壩等處。已派官達色等往彼防守。均奏入。

上諭軍機大臣曰。富勒渾奏言崇德功噶爾拉一路。當乘賊番未集。帶兵進攻。已飛咨博清額。五代兼程前進。與劉秉恬會合。其末起黔兵。擬留駐叨郭宗守禦。所辦甚是。此時開通臺站。使各路聲息相通。最關緊要。而嚴守明郭宗。使賊番無從窺伺。亦

爲扼要先務。今惟富勒渾一人。在彼。尙恐難於兼顧。文綬現在桃關。距明郭宗不遠。卽著馳赴。隨同籌辦一切。文綬。五代。均著賞授頭等侍衛。至豐昇額奏。令五福帶兵由大板昭徑進之處。昨聞大板昭失防。已諭令五福帶兵往彼。今思此路亦關緊要。五福恐尙不足恃。莫若留舒常於宜喜。日旁等處。牽綴賊勢。豐昇額卽帶兵一二千。馳赴大板昭。

令五福爲領隊大臣統率前往。至溫福阿桂聞賊如此滋擾。自必迅赴該處勦擊。一面選派將領。於美臥溝斷截賊番歸路。並一面派人堵截大板昭之路。而兩將軍分兵搜勦喇嘛寺。帛噶爾角克一帶。佔據臺站之賊。隨卽分勦底木達。布朗郭宗兩處。侵據官寨之賊。果能似此嚴密布置。賊必全數就殲。不能漏網。惟富勒渾摺內稱據鄂克什土司

言明郭宗後山寨落。各番均帶器械。聽候賊番調遣等語。此或係土司氣餒心疑。草木皆兵之說。富勒渾總以靜鎮爲主。斷不可畧涉驚惶。但番性反覆不常。觀望無定。亦不可不防其漸。將軍等當設法曉諭各土司。令其深悉底裏。不致爲賊搖惑。至富勒渾處。亦當照此諭示。並當令鄂克什知之。再豐昇額領兵前赴大板昭。其後路糧臺。著鄂寶實

力設法接續濟用。毋稍延誤。

上又諭軍機大臣曰。現在賊番截斷將軍等後路。恐春寧特成額。仍拘泥從前所降諭旨。各赴將軍營盤。伊等行至桃關。若道路未通。伊等卽會同總督富勒渾。或將貴州雲南湖廣之兵。帶領速往救援。伊等皆係侍衛。凡勦殺賊番。開通站路。俱屬分內之事。務須加意奮勉。

辛亥海蘭察奏言。六月初七日夜。臣聞德爾森

保等所守山梁木柵。已被賊踞。所關甚要。而登

春本有劉秉恬防守。卽趕回木果木大營。將軍

溫福。以德爾森保等所守山梁。若爲賊佔。由此

而下。甚有關於後路。不若暫撤昔嶺附近木柵

之兵。移防後路要緊之處。卽於初八日丑刻撤

回。乃綠旗兵丁。一聞此信。俱已棄營私遁。至初

九日夜。大營東北山上木柵俱被賊番奪踞。初

十日黎明。大營後面山上木柵亦報爲賊番所

奪。將軍溫福同臣海蘭察共議大營後路。旣被

賊番佔斷。若從山頂而下。直犯大營。急難退却。

不若乘賊佔踞未定。竭力擊退。方爲有益。遂率

大營所有綠旗及滿洲兵。於卯時出營衝擊。後

路賊番木柵綠旗兵見柵內賊番出拒。不肯前

進紛紛散亂。臣等正在禁止之際。忽高峯上有

賊千餘。來犯將軍溫福。臣海蘭察等迎上鏖戰。

而溫福胷左著鎗打透。墮馬而亡。溫福之子侍

讀永保。左腿亦著石傷。滾下山昏迷。此時賊衆竟

入大營放火。臣海蘭察見事已至此。若再戀戰。

徒損官兵。先令領隊大臣八公福興等。帶領兵丁。

循達札克角山。越過山溝而出。臣等帶領滿洲

兵殿後。且戰且走。初十日夜半。始至功噶爾拉。

牛天昇營內。因令副都統阿爾素訥總兵張大。

經富伸等將彼處所有兵丁亦皆撤出。又聞劉。

秉恬登春營盤亦被賊圍。臣海蘭察率領功噶。

爾拉之兵於十一日卯時令額森特海祿領兵。

在前開路。臣海蘭察福興普爾普牛天昇殿後。

是日戌刻行至崇德前路已被賊佔。夜間收兵。

屯住崇德。亥刻。劉秉恬亦至。十二日未刻。行至

美諾。會見博清額。五岱。和隆武。公同等籌計。一面

開通將軍阿桂後路。一面從美諾至巴朗拉。添

兵固守地方。至_五海蘭察。額森特。普爾普。巴雅

爾。海祿。福興。請從重治罪。_臣等不勝惶懼。奏入。

上諭軍機大臣曰。溫福等失事。皆爲綠旗兵所悞。去

年春。朕已派定健銳等營精兵數千備調。因溫福

阿桂奏。以京兵較綠旗兵。費幾數倍。朕爲其說所
游移。遂爾中止。今事已如此。悔亦無及。現降旨選
派健銳火器營兵各一千。黑龍江吉林兵各一千。
卽日分撥起程。令色布騰巴爾珠爾。以固倫額駙
爲叅贊大臣。統領前往。竟須另整規模。迅圖進剿。
此時海蘭察已與劉秉恬富勒渾會合一處。惟當
示以鎮靜。卽將美諾至明郭宗一帶辦理周密。其

餘各緊要處。應開通者。迅速開通。應勦殺者。盡力
勦殺。總須佔住小金川。鄂克什地方。整頓兵衆。鼓
勵士氣。以期另辦。阿桂聞賊勢猖獗。自必統領大
兵撤回殺賊。只須阿桂與海蘭察等會合。大局卽
定。至溫福軍營綠旗兵。盡皆潰散。實堪髮指。若不
將倡首及附和者正法多人。軍律安在。但現在軍
營尚未寧定。阿桂當留心查察。此時且不必宣露。

至於宜喜一路。留舒常帶兵駐守。豐昇額卽由該處徑往阿桂軍營。會商妥辦。其丹壩一路。仍令五福帶兵千餘。在彼防守堵截。再貴州續調之一千兵。雲南續調之四千兵。又今日續調之陝甘兵二千。到川境後。應赴何處。或在何處暫住聽調。卽著阿桂通盤籌畫。檄知帶兵將領。遵照而行。至文綬已授爲頭等侍衛。應卽馳赴明郭宗。妥爲幫辦。其

富德現係三等侍衛。著授爲頭等侍衛。領隊行走。

上又諭軍機大臣曰。現將健銳火器兩營兵二千名

由京派赴四川軍營。計每隊二百人。分爲十隊。著

色布騰巴爾珠爾帶領頭隊先行。富德帶領末隊

後行。其餘八隊兵丁。派乾清門侍衛保寧。伊達里

那木札。珠爾格德。同派出之該營章京等。分隊帶

領行走。

又諭軍機大臣曰。今進剿金川之兵。綠旗不甚得力。著富椿、富玉等。於吉林兵內。派出一千。黑龍江兵內。派出一千。黑龍江應派兵內。派索倫五百。本城五百。速行備辦。卽著五百人爲一隊。作速起程。至挑選此項兵丁。務擇其最精最勁者。始能得力。所有領兵之章京營總等。亦須久經戰陣。以資督率。並著派福珠里領吉林兵。倭昇額領黑龍江兵。

伊等帶兵由喜峯口來京。分隊前往軍營應用。

上又諭軍機大臣曰。現派調京兵二千。卽日起程赴

川。每起二百名。間二日一起行走。所有將弁官兵

等應得之項。查例給發。又派有吉林兵一千。黑龍

江兵一千。亦令卽日起行。五百名爲一起。到京後

仍按每起二百之數。分撥前進。此項兵丁。向在德

勝門外安營駐札。再行起程前往。所有預備事宜。

著英廉蔣賜燦照例妥辦。俾得迅速遄行。並著傳諭各該督撫等。卽飭沿途各屬預備。俾無稽滯。並於司道大員中。各省特派一人。往來督辦。

上又諭軍機大臣曰。此次派赴金川之京城滿洲兵。及吉林黑龍江索倫兵丁。俱係世受國家重恩。卽或地方有司。預備車輛人夫。稍有欠缺。亦應將帶往之行李物件。背負而行。抑或輪流攜帶。此係兵

丁分內之事。俱無不可。惟期早抵軍營。若向有司
索取騷擾。卽係不知感激。無心出力報効之人。非
惟不能承受朕恩。亦且自取罪戾。著叅贊領隊大
臣及侍衛等。開導曉諭。倘致滋生事端。除將本人
從重治罪外。其領隊行走之十六臣侍衛官員等。一
併治罪。

上又諭軍機大臣曰。博清額卽留川省軍營。授爲領

隊大臣領兵行走。春寧特成額俱無庸回京。交阿桂前令領兵行走。

上又諭軍機大臣曰。金川賊番竟敢出截將軍後路。搶掠驛站。如此猖獗。深爲可恨。著交舒赫德於伊犁額魯特兵內。視其漢仗精壯者。挑選一千。令副都統銜成果帶至甘肅。由彼取道。前往四川軍營。壬子海蘭察博清額奏言。本月十三日早。美諾

西北木柵內有賊百餘。五岱卽帶新到黔兵。向上與賊接戰。賊番三次來衝。俱經擊殺數人。賊遂棄柵。竄入山頭木柵。正在接戰時。大營撤出。綠旗之兵紛紛逃向明郭宗而去。禁之不止。臣

海蘭察同烏什哈達。趕至渡口。射殺數人。始行

止住。收入營中。臣等籌議。似此膽落之兵。未戰

先奔。若仍留在軍營。反致搖亂新到黔兵之意。

與其徒費口糧。莫若發回本營。而留其畧可使
用者。於事方爲有益。現在新到黔兵僅七百名。
而美諾四面。賊番在在可通。溝嶺甚多。若再有
失。更屬不成事體。是以臣留五岱共守美諾。俟
軍心稍定。卽領兵前進。併力勦殺。以通南路驛
站。再此等潰散之兵。本當盡加誅戮。但兵役相
雜。且尙有照常打仗。及得病受傷者。碍難盡辦。

臣已交與總督劉秉恬。由彼處送至成都。令其各回本省。奏入。

上諭軍機大臣曰。現在選派健銳火器營兵二千。吉林黑龍江兵二千。伊犁額魯特兵一千。前往軍營。約計可供冬間進剿之用。阿桂等此時。自可畧爲整頓。另定規模。並不妨於營中。預行傳布。添派八旗勁旅數萬。剋日來營之信。使先聲壯盛。以作士

氣而寒賊膽。看來昔嶺當噶爾拉兩路。難於再進。

卽宜喜一路。亦未必有益。或就美臥溝。大板昭丹。壩等處。及此外尚有何路。擇其不藉仰攻。邁進得利者。酌定奏聞。分兵攻勦。動出萬全。至溫福軍營。如巴朗之臨陣。捐軀。予以卹賞。其餘若有因捍衛將軍力戰陣亡。及跟隨遇害者。亦應一體議卹。其或置將軍於不顧。臨時奔潰。爲賊殺害者。此等豈

可復邀卹典著海蘭察會同劉秉恬詳查辦理。至
溫福軍營散出之兵。到明郭宗仍思逃潰。實爲可
惡。已降諭旨嚴辦。其現隨海蘭察五岱等勦賊之
兵。亦係綠營。尙知奮勉打仗。卽應酌賞以示鼓勵。
或賞給一月鹽菜銀兩。或半月餉銀。其土兵土練。
並著一體酌賞。至豐昇額舒常。旣已移兵分勦。所
有經行後路。須留意防範。勿致疎虞。其豐昇額一

路糧臺作何接應。著鄂寶妥協經理。其有應捲撤
者。卽酌量妥撤。又據錢鋈奏。成都駐防滿洲協領
六十一等告知。情愿將存營兵內。再酌派五百名。
馳赴西路協剿。察其情詞。肫切。已照例料理。迅赴
明。郭宗聽用等語。所辦甚好。至所稱川省現在廣
招新兵。陸續遣發之語。竟可不必。各省綠旗兵。本
不足恃。而川省尤屬無能。卽如向來逃兵被獲。訊

明川省新募者居多。已可概見。將此一併傳諭知之。

上又諭軍機大臣曰。海蘭察奏新潰出之綠營兵丁。交劉秉恬令其回籍等語。所辦甚是。此項兵丁。大約川省居多。蓋川兵近在本地。回家便易。今既將伊沙汰。自不容其漏網。但據云多至數千。係合夫役統計之詞。其中站夫跟役及貿易人等。原不必

辦及所有現交劉秉恬遣令回籍之兵。若爲數太多。亦當量爲分別。劉秉恬親加詰問。其有一聞遣放。如獲更生者。卽爲臨陣潰逃無疑。若聞遣放之信。仍欲告求在營効力。情詞誠懇者。尙未盡喪天良。於回營後。交該管大員。重加責處。革除名糧。以示懲儆。照此查訊。分別密咨富勒渾。於回至成都後。詳晰嚴辦。倘富勒渾回省稍遲。此項兵丁有先

過省者。卽著錢鋈盡數拘留。羈管候富勒渾回省查辦。再春寧特成額至成都。卽著暫行留省。會同富勒渾辦理此事完畢。再赴軍營。富勒渾於辦竣後。將正法兵丁各姓名情節。移咨將軍等。於軍營遍行曉諭。庶使稍知儆懼。

上又諭軍機大臣曰。海蘭察現在開通將軍阿桂等後路。辦理接站等事。最爲緊要。難以稍離。福興亦

同係被圍打仗出來之人。卽速馳驛趕赴熱河。如其體有病。沿途或乘車輜。連夜行走亦可。朕欲詢問彼處情形。問畢仍將伊遣回。將此傳諭知之。

上又諭軍機大臣曰。前令德爾森保駐扎木果木北山梁。因此處係將軍等後路。防守賊番潛出截殺。甚關緊要。曾經降旨詢諭。而賊番竟爾突出。致將山梁奪佔。德爾森保所司何事。先旣未能瞭望賊

踪預報將軍防範。而於賊番奪佔之時。德爾森保如何抵敵。海蘭察摺內。雖未提及。諒無不知。領隊等帶兵征剿。規避亦所常有。著阿桂詢問海蘭察。據實奏聞。

上又諭軍機大臣曰。現在派調京兵二千。吉林黑龍江兵二千。赴川省軍營應用。一切俱動公帑。絲毫。不累閭閻。而輓運負任之勞。稍藉民力。朕每念百

姓等誠心奉公。深可嘉尚。屢示優恤。此次京兵過境。用宜再沛渥恩。著將川省乾隆三十九年額徵錢糧。均再緩至次年帶徵。至陝甘過兵各州縣。著再加恩。將已緩五分者全予緩徵。四分者加緩八分。三分者加緩六分。仍按照分數多寡一體酌分年限帶徵。其直隸河南二省京兵經過地方。並著加恩。將本年應徵錢糧酌緩十分之五。令得一體。

均沾。第恐不肖有司。及奸吏蠹役。藉辦差爲由。加派侵肥。使百姓奉上之忱。轉受墨吏滋擾之累。著各該督撫嚴行查察。立即據實嚴叅。審明時。卽於該處正法示衆。倘督撫等意存徇庇。惟該督撫是問。

上又諭軍機大臣曰。挑派京兵。吉林。黑龍江兵。分起前赴軍營。需用夫役較多。恐錢蓋一人照料不及。

富勒渾著回至成都。籌辦送兵之事。其在陝西。自

寶雞入棧以後。現諭畢沅。或可做照今春運餉時。

酌用騾頭。往來接替。以期便易。至入川後。富勒渾

卽當預爲籌畫。官兵行李等項。不能不需夫任負。

但爲數不少。一時恐難遍給。且川省百姓。連年運

米等事。出力甚多。亦不可不加體卹。現已曉諭京

兵等。以伊等皆滿洲世僕。受恩深重。京兵等必能

恪遵朕旨。沿途不敢苛求。富勒渾惟當深體朕意。
善爲經理。務使軍行利捷。民無煩擾。

平定兩金川方畧卷之六十四

六月癸丑。阿桂明亮奏言。臣等思木果木一帶

降番。既經蠢動。則當噶爾拉後路。小金川各寨。

均應先爲防範稽察。旋於本月初七日申刻。據

現在軍營之頭人阿申稟稱。色木則有金川賊

人。教令今夜同反。飛速稟聞等語。臣等思色木

則西南山下。爲僧格宗至當噶爾拉必由之路。

其東南山下。係僧格宗碉寨。甚關緊要。卽令委署前鋒叅領西當阿等。帶兵往佔色木則碉寨。而賊番已先竄入。又於初八日。據按察司李世傑等稟稱。本日子刻。賊番侵擾科多。臣等以科多一站。係從美諾前至僧格宗之路。不可不亟爲勦殺開通。遂派舒景安等。帶領駐防滿兵。速往救應。又思僧格宗。派有寧夏鎮總兵張玉琦。

駐守。但地居扼要。現在存積鉛藥軍糧甚多。雖

派巴旺布拉克底土兵助守。兵力尚單。復派漢

土官兵前往。協同守禦。酉刻。據舒景安稟稱。協

領武雲保。遊擊阮寧方。由僧克宗南邊過河。已

將賊番擊敗。又據李世傑稟稱。拏獲小金川放

火埋伏賊人十六名。已於當晚正法等因。臣等

恩色木則與僧格宗北山。本係一道山梁。而色

木則礮座甚多。復派黔兵令奎林等帶往。相機

攻打。臣明亮來往督催策應。查金川賊番引誘

小金川人。陰謀斷路。實爲可恨可惡。幸而均經

敗露。得以先發制人。而臣等又已預將皮船收

起。使河南河北之賊。不能交通信息。以破其牽

連並發之局。現在當噶爾拉軍營。軍心鎮定。儲

待充餘。鉛藥均敷應用。自可無虞意外。再十二

日子刻。有賊三四百名。直撲納圍之陝西官兵營盤。經叅將劉輝祖督兵拒擊。痛加勦殺。黎明賊人始俱敗遁。查金川賊人勾引小金川賊衆由底木達一帶前來。原欲先斷木果木。登春兩處後路。因_臣等節次派兵往援。遂欲兼斷美諾當噶爾拉中間之路。其狡獪之計。險惡異常。今已先爲發覺。一面派兵勦堵。一面設法部署。因

得稍殺其勢。此等惡逆賊犯。槩予駢誅。實所應得。但自僧格宗西至卡了約咱。兩岸碉寨相望。官兵駐守。爲數甚少。實不能分兵四出。逐一勦洗。因派明正巴旺布拉克底各頭人。帶領土兵。會同此一帶隘口駐劄之官兵。將當噶爾拉以西各寨男番。盡數調出。收其軍器。其稍有桀驁者。或登時殺死。或細縛拋入河流。其餘分送至

章谷及打箭爐酌賞明正等三土司並諭駐劄

章谷及署打箭爐之同知等察看酌賞如各番

內稍有可疑者立時殲戮現在據報辦理已經

就緒此時各寨上惟有婦女幼穉後路似可無

虞至當噶爾拉山梁降番所駐之處距賊礮不

遠伊等狡譎異常若知大兵必欲盡殲卽不敢

倒戈相向亦必盡竄金川臣等此時除查有叛

逆實迹者。卽加誅戮。其餘實不能一時盡數痛
辦。今^臣等將頭目數人。留在營盤之內。令將領
密加看守。再飭各土兵。察看降番等言語光景。
並令明正巴旺布拉克底各土兵。分管同住。俟
可以辦理之時。卽行嚴辦。^臣等因後路所關甚
重。惟思先除內應。稍免返顧之虞。奏入。

上諭軍機大臣曰。阿桂奏現在派兵防守。殺賊多人。

并設法將叛逆降番。羈其頭人。殲其醜類。剷清後路。軍心俱爲鎮定等語。所辦深合機宜。著卽命阿

桂爲定邊將軍。俟京兵等到齊。另籌進剿。務須掃

蕩賊巢。殲兩逆酋。以雪憤恨。而申威令。至溫福倉

猝遇變。臨陣捐軀。著賞一等伯爵。世襲罔替。入祀

昭忠祠。並賞銀二千兩治喪。其應得卹典。仍著該

部察例具奏。伊子永保。卽著承襲伯爵。所有臨時

捍衛將軍力戰陣亡之將弁兵丁及跟隨將軍遇
害之官員已有旨查明分別諡卹再僧格桑罪惡
貫盈其父澤旺本係大逆例應緣坐之犯今春械
送京師以其衰老待斃不卽正法今僧格桑如此
肆逆其父斷不應稍稍顯戮著交刑部卽將澤旺
凌遲處死懸首禁街以彰國憲

臣等謹按澤旺於乾隆十二三年間被莎羅

奔耶卡羈留。奪其印信蒙

天朝統兵進剿。耶卡窮蹙乞命。澤旺始僅獲生全。乃不知感激。反與賊酋勾結。先爲其子結婚金。川又縱容僧格桑與索諾木等蠶食鄰封。潛謀不逞。當俘獲時。立應肆市。乃

聖慈曲宥。因其老憤。暫緩刑誅。直至僧格桑肆逆貫盈。始行正法。所以爲仁之至。義之盡也。

同日

上諭內閣曰。王進泰著馳驛前往四川。管理提督事務。

甲寅。劉秉恬奏言。初九日未申時分。忽有客民二三千人。並礮局匠人等。由木果木大營。奔赴登春站所。據稱軍營礮局已被賊番搶劫。大營四門關閉。客民無可依倚。是以散至登春。臣隨

飭委營弁飛往探聽。據該弁回稱。初十日早。賊番斷截大營水道。將軍溫福帶兵衝出。業已陣亡。旋准叅贊海蘭察札稱。將軍陣亡。衆軍全散。

臣駐扎之登春站斷難孤立。令臣覓道衝出。因

於十一日翻越過山。繞抵崇德地方。至海蘭察駐兵之處。次日海蘭察。卽由崇德撤赴美諾。現在查點官兵。酌量分布。復聞南路之新橋。科多

俱被賊佔。糧道阻梗難行。臣立即回至明郭宗

與富勒渾面籌一切。臣查美諾明郭宗爲小金

川賊番巢穴。必須嚴加防護。現在商同派撥官

兵分布要隘處所。惟軍營及附近各站存糧均

已失去。而美諾明郭宗僅存糧一千餘石。營中

軍火多已無存。事在急需。刻難容緩。臣將駐防

事宜妥爲布置。令總兵英泰副將寶琳等竭力

堵禦小心防範。卽往返巡查後路。第美諾至已
朗拉一帶。道路叢雜。防守頗費周章。臣惟有竭
盡愚忱。設法經理。聽候將軍叅贊等酌定機宜。
以觀後効。奏入。報

聞。

同日。海蘭察博清額奏言。十四日酉刻。有小金
川番人。前至美諾。臣等詳加訊問。據稱將軍阿

桂之營尚在當噶爾拉地方。其僧格宗亦仍係
我兵看守等語。臣當飛札通知阿桂。並於十五
日卯刻派兵一千名。交額森特等帶領。由南山
往迎開路。查美諾離僧格宗不過五六十里。早
晚即可開通。奏入。

上諭軍機大臣曰。據海蘭察等奏稱。美諾南山一帶。
現已派兵前往。分別勦撫。道路易通等語。是南山

一帶之路。此時自己開通。惟北山科多新橋等處。賊衆甚多。且係阿桂後路。最關緊要。阿桂須卽將此一帶賊番。盡行勦滅。並卽速赴底木達布朗郭宗兩處。上緊克復。乘賊番佔據未久。攻之尚易。逼令賊酋勢迫。仍竄回金川。可先清小金川地界。將美臥溝大板昭等要隘。選派將領。分撥重兵防守。並將鄂克什至臥龍關一帶後路。防範周密。官兵

即可於小金川地方暫行屯住。爲另籌進剿之計。
又富勒渾已實授四川總督。自應回至美諾。明郭
宗等處。總辦一切。其巴朗拉一帶。或令博清額。或
令劉秉恬。前往妥協經理。同日。以查盡行傑。並明發。故。木。致。亦。阻。礙。

上諭軍機大臣曰。現因四川火藥不敷。故於鄰省辦
解。今京城所存火藥甚多。旣派滿洲兵前往。著令

預備十斤一包。交兵丁等帶往。以省運費。領隊之

大臣侍衛。留心查管。毋使沿途致有潮濕遺失。又

錢璫奏稱。現在西路軍營。每日約用火藥萬斤等

語。殺賊雖以火藥爲要。何得用至如許之多。著諭

將軍大臣等。曉諭兵丁。凡用火藥鉛彈。務期破卡

殺賊。切不可於無關緊要地方。輕施鎗礮。以致虛

費。

同日。豐昇額舒常奏言。六月十六日。五福差人

送到自金川脫出綽斯甲布番民薩納木一名。

臣細加訊問。據稱聞僧格桑帶領頭目往木果

木去。索諾木亦帶兵往噶拉依。恐其往巴旺。布

拉克底等處等語。臣卽移知阿桂留心防範。奏

入。

上嘉之。

乙卯。

上諭軍機大臣曰。昨豐昇額奏番人供詞有索諾木帶兵。由噶拉依往巴旺。布拉克底之語。其地爲阿桂軍營後路。且與章谷一帶相近。所關甚重。不可不留意稽防。再當噶爾拉軍營。著明亮留兵駐守。若其地非多兵不能據扼。卽當令明亮統兵駐僧格宗。與美諾爲掎角之勢。則當噶爾拉一路賊自

無從竄入。卽達烏至章谷一帶。亦可控制無虞。阿
桂當就該處情形。悉心籌畫。又昨據劉秉恬奏。木
果木軍營。民散在前。兵潰在後。究係未能先事預
防所致。且營中鎗礮火藥。若早派重兵嚴守礮局。
何致爲賊搶劫。而客民匠役數千。亦當收之營內。
備人數以助軍威。未爲不可。不應堅閉營門。聽其
散去。旣示賊番以弱。且徒搖惑衆心。是溫福未免

倉皇失算。至其營中兵衆。不下一萬數千。當時潰散若干。著交阿桂。卽行確查具奏。再將領中實係陣亡。與巴朗相似者。均應奏聞。予卹。其隨將軍衝出之滿洲兵一百餘名。有陣亡者。亦一體查明議卹。若所列未出人數內。或有踪蹟未明。不能定其存亡者。亦開具姓名奏明。交部備核。

上又諭軍機大臣曰。李煦常保住。在營已久。其獲罪

亦非若董天弼可比。著加恩李煦賞給遊擊。常保住賞給三等侍衛。隨阿桂軍營差委。以觀後効。

同日

上諭軍機大臣曰。劉秉恬革去總督。著賞給按察使銜。翎頂暫行照舊戴用。仍令其實心辦事。俟軍營規模大定。阿桂酌看奏聞請旨。

丙辰。富勒渾奏言。查路頂宗以內之達木巴宗

巴朗拉山神溝一帶。路徑叢雜。在在皆通賊境。

而巴朗拉尤屬險要。爲我兵出入之門。今劉秉

恬招募之新兵五百名。業經來到。臣隨卽派撥

防範。至於明郭宗美諾存糧一千餘石。止數數

日之食。現今星夜趲運。仍分派大員。按站督催。

以資接濟。至軍營應用物件。均已遺失。亦飭軍

需局催僱工匠。迅速製造。以備取用。再各處防

守卡隘。未免兵力稍單。臣查本省滿營兵。尚有
五百名。除留三百名守城外。飛調二百名。又於
本省存駐兵丁內。派調二百名。於各要隘酌量
分布。庶防禦後路。更爲有裨。奏入。

上諭軍機大臣曰。富勒渾奏路頂宗以內之達木巴
宗。巴朗拉山神溝一帶。派兵防範。所辦亦屬周到。
但巴朗拉爲我軍糧臺後路。今逆番尚在布朗郭

宗等處。而大板昭一路。賊復由彼竄入。計距別斯
滿等處甚近。若由彼潛出抄截。所關不小。現在富
勒渾所派防守兵數無多。不可不嚴密防範。至鄂
克什官寨。最有關係。必當派勇幹將領帶兵嚴守。
其資哩寨亦須駐兵防守。使聲勢聯絡。則巴朗拉
一路。便可無虞。實爲此時急需籌辦之事。若阿桂
尚未到。卽著富勒渾。劉秉恬。會同海蘭察。博清額。

悉心籌度。又富勒渾奏明郭宗美諾。僅存糧一千

餘石。現在沿途督催接濟。所辦甚好。軍糧最爲軍

營要務。現據富勒渾奏。請令原任布政司李本在

巴朗拉一路。總催糧運。已批令酌予職銜。令該員

將此事實力妥辦。以勵後効。又豐昇額所需軍糧。

應從何路運往接濟。鄂寶卽行妥辦奏聞。至現在

最急最要之務。必須將小金川地面肅清。駐兵以

待再進著再諭阿桂。迅卽統兵回美諾。速辦勦賊事宜。豐昇額守。遄程前赴大板昭。攻勦賊衆。以收夾擊之益。仍卽馳往美諾。與阿桂會合。籌辦一切。

同日海蘭察博清額奏言。十六日申刻。見賊數百。並有騎馬頭人。由山梁走入卡內。臣等隨諭

橋外所立四卡內官兵土練。及守橋之碉內官兵。俱令整頓。聽候調遣。攻擊甫及昏黑。賊番分

爲六隊直衝橋梁圍攻四卡。官兵土練等奮勇

放鎗。直至亥刻。賊番兩次衝突。俱被鎗箭擊退。

又有數賊欲登湖廣兵所立卡牆。有兩兵持刀

砍殺數人。俱斃於墻下。賊衆畏濯退回。現今人

夾心初定之時。理應獎勵。將此次土練及出力

最多之兵。俱行賞賚。其守備九齡。千總王定國

額外把總蕭尙文等。登記功冊。並諭以再遇超

異出力之處。卽懇

皇上陞用。其砍賊兵丁郭正鰲等。委署隨營把總。查美諾乃小金川巢穴。係副將軍阿桂後路。惟有晝夜防守。痛戮侵擾賊番。以圖速通南路。奏入。上嘉之。

丁巳。阿桂明亮奏言。臣查美諾至僧格宗一帶。

道路尙在未通。則由當噶爾拉前往章谷之後

路亦慮賊番搶劫。此一路小金川寨落甚多。其
山後又通金川賊境。恐賊番乘間竄入。藉以佔
據。尚須添兵防守。因思布拉克底之臨卡地方。
從前駐有官兵。酌抽五百名。派令防禦。其色木
則一處賊番。先已竊據碉寨。夜間來擾營盤。經
奎林等督率官兵。屢次奮力掩殺。連日以來。不
敢復行滋擾。至逆酋等雖在西路得志。較前猖

獫狁乘其不意。攻打一二處。亦足以壯軍心而

寒賊膽。臣等遂派都司崔文傑帶領各土兵。於

十三日夜。由色木則後山攀附而登。潛抵賊卡

之下。直前擁入。賊番驚竄。官兵趕殺多人。餘俱

逃散。臣等思賊番行同鬼蜮。或從山箐爬越。侵

犯納圍糧站。亦未可定。維時委署叅領觀祥。適

帶護斫兵百餘名。卽飭其留駐。以資防護。傍晚

所調革布什咱土兵亦至。是夜果有賊二百餘人。攻撲糧臺。漢土官兵合力迎殺。賊衆受傷。拖曳而去者約十餘人。至河南拉約等寨。探得寨內藏匿賊番。漸有舉動之勢。十三日夜。派兵前往。十四日早間。分爲三路。直上攻打。一面痛加勦洗。已將寨落焚燒。至僧格宗對河榮寨。賊番聚集更多。十五日復令都司崔文傑等帶兵渡

河。陸續進攻。賊番悉力死鬪。爲官兵殺死五六
十人。寨落亦俱焚燬。現在河南。惟未動之宅壘
兩寨。暫且存留。其河北自僧克宗起。至約咱止。
河南自卡了起。至榮寨止。小金川賊番。俱已盡
淨。其榮寨以東。尙有鳩瑪爾里等寨。與賊固結
拒守。必須剿完各寨。則河南一路。卽與美諾開
通。昨據海蘭察來信。附近鳩寨之零星寨落。逐

一攻破。而^臣等所派往剿鳩瑪爾里之官兵亦
於十六日夜前往。十七日遙望是處山上起火。
想卽日可以剿洗克復。統俟兩軍會合再剿除
河北之彭魯爾等寨。則美諾河西亦可掃淨。秦
入。

上諭軍機大臣曰。阿桂等所辦。深合機宜。且殺賊亦
多。甚屬可嘉。著將奮勇出力之弁兵。查明咨部議

敘至目下最要之務。必須卽將底木達布朗郭宗
兩處。上緊克復。阿桂奉到此旨。卽或河北羣賊。尙
未殺盡。亦當由河南一路。回至美諾。與海蘭察等
會合。再發兵。勦洗河北之賊。更爲得力。惟撤兵時。
應將後路料里周密。勿使賊衆得以尾躡。

同日。阿桂又奏言。兩金川賊酋。猖獗如此。卽寢
皮食肉。亦難釋恨。惟木果木一帶。大經挫損。不

得不爲添兵辦理。俟得悉彼處確實情形。並應調何處之兵。臣另籌具奏。奏入。

上諭軍機大臣曰。阿桂等奏稱。俟定有應調之兵。另行具奏。看來阿桂此時。亦知從前伊等所奏。無需滿洲兵之錯矣。今統計現調兵。有一萬三千名。兵力甚壯。復繕寫諭旨。曉諭各土司。伊等接到後。通行曉諭各番。一面揚言。已調十餘萬精兵。前來合

勦。則賊酋聞之。喪膽震動。而各土司聞此。亦可定其遊移之志。

同日。

上諭各部落土司曰。從前金川土司莎羅奔耶卡等不遵法令。欺侮小金川。奪取土司印信。拘囚澤旺父子。復擾明正革布什咱地方。是以出兵征討。莎羅奔耶卡等聞威震懼。計窮祈命。至經畧忠勇公

大學士傅恒前叩頭求款。朕仰體

上天好生之德。念伊等既已抒誠知罪。寬其既往。准其請降。仍爲土司如故。並頒恩命。勅伊等安居守法。永勿侵犯鄰封。番酋等理宜感朕不誅之恩。恪遵法紀。詎意數年之後。背恩蠢動。又於鄰近部落。漸行擾害。俱爲川省總督。辦理寢息。並未奏聞。至近日。小金川逆僧索諾木。與小金川逆僧格桑狼狽。

爲奸。索諾木旣將革布什咱土司。用計殺害。佔奪
地方。僧格桑亦將鄂克什地方。奪取肆行猖獗。直
至明正土司之境。始經總督具奏。是以發兵問罪。
乃僧格桑膽敢抗拒天兵。而索諾木又助兇同逆。
朕思此二賊酋。若不盡加俘戮。則國家之法。令不
彰。而附近各土司地方。必至皆爲所據。是以命將
軍大臣等。統率雄師。先將小金川蕩平。而逆酋僧

格桑逃赴金川。此時索諾木若將僧格桑擒獻。親赴將軍營盤。乞恩請罪。朕尙可加之曲宥。乃轉將逃賊容留。負隅抗拒。是核其罪惡。較甚於僧格桑。必須剷除。始可永清邊徼。俾各部落長得寧居。是以屢諭將軍大臣等。聲罪致討。以迄天誅。今僧格桑愍不畏死。與索諾木等商同潛出。煽惑舊屬。醜徒斷截臺站。以致將軍大臣等殉難陣亡。此其罪

大惡極。萬無可恕。朕統御天下。善者必予獎賞。惡者必示懲誅。如爾衆土司內。有實心出力。急公奮勉者。朕皆從優給賞。錫以緞疋銀兩。花翎名號。用示嘉予。今僧格桑與索諾木。罪惡貫盈。神人共憤。此而不加懲治。何以統馭萬方耶。朕現已降旨。將副將軍阿桂。授爲將軍。督辦討賊事務。揀派滿洲索倫。額魯特等健銳兵丁。並陝西。雲南。貴州。湖廣。

等處勁兵數十萬。厚儲糧餉。轉輸接濟。又運餉數
千萬兩。以備其用。如許兵力。如許軍資。勦殄賊番。
易於反掌。朕所以如此籌辦者。皆爲爾衆土司等
恐致失所耳。爾等自應努力併心。同期滅賊。以冀
永受朕恩。逆酋所恃。不過山路險峻。礮巢堅固。猶
如潛穴之鼠。有何伎倆。計至今冬。必當掃滅。設不
能長驅深入。再俟二三年。或四五年。將賊酋要隘。

面奮攻。賊衆不得耕作。稍休。必至盡。爲餓殍。又
何從逃死耶。今降旨。曉諭爾等。各自保守地方。毋
使逆酋軼出。并聽將軍等調遣。奮勉從事。早滅兩
金川逆酋。受朕恩眷。堅心助討。永圖樂業。不得稍
有遊移疎懈。勉之。特諭。

上又諭軍機大臣曰。富德著授爲領隊大臣。帶領頭
隊官兵先往。其藍翎侍衛納蘇肯著帶領末隊官

兵行走。

土文同日。鄂寶奏言。西路臺站不通。所有綽斯甲布

一路文報。自應由丹壩一帶馳送。臣飛札軍需

局。速撥馬匹。按站安設。并委弁員。以資馳遞。又

恐取調馬匹。一時不能到齊。復札總理各道。通

飭各站員。如遇文報到站。馬匹務須通融借撥

如或不能得馬。卽令現有步兵。星速馳送。仍按

依里數時刻。隨到隨行。如有遲延。據實叅奏。奏
入報。

聞。